

Naunaitkutakhaq

Human Papillomavirus (HPV) Naunaitkutakhaq

Huna una Human Papillomavirus (HPV)?

HPV aanniarutauvaktuq taimaa kaansaknaqhunilu apkutikkut, uhuk/uttuk, niaquqmi qunguhirmilu.

Qanuq una HPV Hiamitirpakpa?

HPV hiamitirpaktuq uvinikkut kahakkaangata nuliaqtitlugit aanniarutiqaqtumit inungmit.

Huna aanniarutit HPV-mut aanniarutiqaqtunut?

Amihut inuit HPV-qaqtut aanniarutiqaqtunut ilivaktut. Amihuni aanniarutini HPV nakuuhiniaqtut marukni ukiuni. Una HPV nakuuhingitpat kaansaknaqtuq ukuningalu uhukmi uttukmilu unngut.

Apqutimi kaansauyuq aanniarutingit naunaktut kihimi naunaikpaktut kaansaqyuaqhimagaangata. Kakugunguraangat ihivriuqhirumik qiliurlugu kannguyatut ittumut uttukkut ikayuutauniaqtut paqittiyaanginni qilamik aanniarutinut qilamiklu ikayuqhiyaanginni aanniarutimut.

Allat HPV-mit kaansauyut naunaiyuitut aanniarutait kihimi aanniarutiqaqyualiraangata naunaikpaktuq. Ukuat ilauyut kaansauyut talvani uttuup qaqhua, uttuk, uhuk, itiq iggiamilu.

Uhukmi uttukmilu unngut takunnaqpaktut imaalu naunaikpaktut ikittuni havainiqni tatqirhiutiniluuniit quyaguiraangata inungmit aanniarutiqaqtumit. Unngut mikiyutut ittut puvinnngayutut immakhimayutut amihutluuniit katihimayut puvinnnganiit talvani uhup uttuupluuniit haniani. Unngut mikiniaqtut angilutikluuniit, puvinnngayutut ittut attariqtuqluuniit. Ulurianangittut kihimi kukilaqvaktut.

Qanuq inuit aanniarutinikpakpat HPV-mik?

HPV aanniarutaungittaktuq nuliaqtuni aanniarut. Tamaitaungittut inuit aanniarutiqaqtut HPV-mik aanniarutiqaqtut ilimaittut aanniarutiqaqaluaqhutik HPV-mik.

HPV hiamitirpaktuq uvinirmit uvinirmit kahakkaangata inungmik aanniarutiqaqtumik. HPV himaittaaqtuq naunaingitkaluaqhutik aanniarutmik aanniartitlugit.

Una HPV-nguyuuq nakuuhittaaqqa ikayuqtaukpata?

Nakuuhiutjutikhaittuq HPV-mut aanniarutinut. Aanniarutit HPV-mit munariyaugumik ihuaqhittaaqtut. Ikayuutikahuyut uqariyakhat munaqhingnut.

Qanuq aanniaqtailiniaqqat inuit HPV-mit?

Kavamanga Nunavut inungnut naunaiktipkaivlutik manikhanik tunivaktut HPV-mut iliharvikmi kapuktauyunut havautikhanut tamainnut kapukhiktaaqunut Nunavunmiutanut. Inuit ilaulimaittut uumunga havaakhamut uqaqtaaqtuq munaqhinut piyaamingni naunaitkutikhanik.

Atuqlutik uhup puunginnik ikayuutauniaqtuq aanniarutiqaqnaittumik HPV-mik aanniarutimik allanulluuniit inungnut pikatimingnut aanniartitlugit. Uhup puunga ikayuutigiyaa puukhiania puunganit; kahakkumik puungittumut unnguqumik aanniarutiqaqaluarungnaqhiyut.

Humit piniaqqik naunaitkutikhanik?

Apiqqutikhaqaruvit hivayaqlugu Nunangni Munakhiaqvingmut uvaluuniit Aanniatuliriyikkuni Munaqhi Qaritauyakkutluuniit uumunga.

<http://www.hpvinfos.ca>

